

Kodi i Sjelljes

PËR SHMFF, BASHKIA KORÇË

NISMA PËR NDRYSHIM SHOQËROR ARSIS PËR SHMFF, BASHKIA KORÇË

HYRJE

Në kuadër të marrëveshjes së bashkëpunimit ndërmjet shoqatës Nisma për Ndryshim Shoqëror ARSIS dhe Bashkisë Korçë e lidhur me datë 13.07.2021 me nr.prot 6013 dhe nr.101 prot,(NISMA) dt.15.07.2021 për zbatimin e projektit *“Qendra e Shërbimeve Mbështetëse për Fëmijën dhe Familjen me bazë komunitare” (Parandalimi i institucionalizimit dhe deinstitutionalizimi i fëmijëve nga Institucionet e Përkujdesit Shoqëror)* me mbështetje të Fondit Social (2021-2023),



BASHKIA KORÇË

ekipi i Nisma ARSIS ka hartuar një dokument mbi Kodin e Sjelljes për stafin (me orar të plotë apo të pjesshëm), praktikantët dhe vullnetarët e SHMFF.

Hartimi i dokumentit bazohet në nenin 4 të marrëveshjes dhe në zbatim të aktivitetit “*Hartimi i të gjitha politikave të mbrojtjes së klientëve (përfituesve) dhe punonjësve të shërbimit.*”

Kodi i Sjelljes do të shërbejë si një udhërrefyes për veprimtaritë e përditshme në punë duke reflektuar standardin për sjellje të përshtatshme. Respektimi i këtyre standardeve do të interpretohet brenda kornizës së Konventës së Kombeve të Bashkuara për të Drejtat e Fëmijëve. Kushdo që konstatohet se është në shkelje të Kodit do t'i nënshtrohet masave disiplinore, duke përfshirë largimin nga detyra, përfundimin e punës dhe/ose marrëveshjeve të tjetra me SHMFF. Kodi i Sjelljes është i zbatueshëm nga të gjithë ata që ofrojnë shërbime pranë SHMFF.

Kodi i Sjelljes për Shërbimet Mbështetëse për Fëmijën dhe Familjen në Bashkia Korçë

Kodi i Sjelljes duhet të nënshkruhet nga i gjithë stafi dhe vullnetarët PARA fillimit të kryerjes së detyrave.

Shërbimet Mbështetëse për Fëmijën dhe Familjen (SHMFF) i konsideron të gjitha format e abuzimit të fëmijëve të papranueshme. SHMFF pranon që e ka për detyrë t'i mbrojë fëmijët, që do të thotë t'i mbajë të sigurt, të promovojë mirëqenien e tyre dhe t'i mbrojë nga abuzimi dhe dëmtimi. Neglizhimi, dhuna fizike, psikologjike/emocionale dhe seksuale janë format kryesore të abuzimit.

Politika dhe Procedurat tona për Mbrojtjen e Fëmijëve paraqesin masat që do të merren për të mbrojtur fëmijët. Përfshirë këtu veprimet proaktive për të parandaluar situatat e abuzimit dhe dëmtimit dhe ndërhyrjet dhe veprimeve për t'iu përgjigjur situatave ku fëmija është, apo mund të jetë, pjesë e abuzimit.

Fëmijë është çdo qenie njerëzore nën moshën 18-vjeçare siç përcaktohet në Konventën e OKB-së për të Drejtat e Njeriut, 1989.

Kodi i sjelljes

Projekti: “Qendra e Shërbimeve Mbështetëse për Fëmijën dhe Familjen me bazë komunitare” (*Parandalimi i institucionalizimit dhe deinstitucionalizimi i fëmijëve nga Institucionet e Përkujdesit Shoqëror*)



BASHKIA KORÇË

Pjesë e politikës sonë për mbrojtjen e fëmijëve, është edhe kriteri që i gjithë stafi (duke përfshirë punonjësit, këshilluesit, vullnetarët dhe praktikantët), me orar të plotë apo të pjesshëm, duhet të pranojnë politikën për mbrojtjen e fëmijëve dhe në mënyrë specifike të pranojnë të punojnë në përputhje me **Kodin e Sjelljes**, i cili paraqet përgjegjësitë për mbrojtjen e fëmijëve dhe pritshmëritë për sjelljen e stafit. **KY KUSHT ËSHTË I DETYRUESHËM.**

Çdo formë e sjelljes së papranueshme e cila e shkel Kodin e Sjelljes duhet të raportohet. Në rastin e situatave të cilat nuk mbulohen në Kodin e Sjelljes, SHMFF pret nga përfaqësuesit e saj të japin gjykimet të drejta duke i dhënë përparësi “*interesi më të lartë të fëmijës*”.

SHMFF respekton Konventën për të Drejtat e Fëmijëve dhe pesë parimet në vijim:

1. **Të drejtat e fëmijëve:** I gjithë stafi i SHMFF duhet t’i respektojë dhe promovojë të drejtat e fëmijëve. Para së gjithash, ata duhet të mbrojnë të drejtën e secilit fëmijë që të jetojë i sigurt, pa qenë i rrezikuar nga abuzimi apo shfrytëzimi dhe duhet të punojë gjithmonë, për interesat më të mira të fëmijës.
2. **Zero tolerancë:** SHMFF nuk toleron asnjë formë të abuzimit dhe merr masat e nevojshme për të zbatuar politikën për mbrojtjen e fëmijëve.
3. **Menaxhimi i rrezikut:** SHMFF sigurohet që rreziqet janë identifikuar dhe minimizuar nga faza e planifikimit deri te veprimtaritë e fazës së zbatimit.
4. **Përgjegjësia e secilit:** Zbatimi i suksesshëm i politikës për mbrojtjen e fëmijëve bazohet në përgjegjësinë individuale dhe të përbashkët të të gjithë përfaqësuesve të SHMFF duke përfshirë edhe stafin. SHMFF kërkon të sigurohet që programet partnere të jenë në pajtim me standardet ndërkombëtare të mbrojtjes.
5. **Detyra për njoftim:** Çdo shkelje e dyshuar apo e vërtetuar e Kodit të tanishëm të Sjelljes duhet t’i raportohet menjëherë mbikëqyrësit apo personit të kontaktit për mbrojtjen e fëmijëve pranë SHMFF. Konfidencialiteti do të ruhet gjatë gjithë procedurës.

DUKE NËNSHKRUAR KODIN E SJELLJES, UNË bie shprehimisht dakord që:

Në çdo rast:

- **Do t’i trajtoj fëmijët me respekt dhe në mënyrë të barabartë**, pavarësisht moshës, gjinisë, gjuhës, fesë, mendimit apo kombësisë, origjinës sociale apo etnike, statusit, klasës, orientimit seksual apo ndonjë karakteristike tjetër.
- **Do t’i ndihmoj fëmijët që të marrin pjesë në vendime**, të cilat kanë të bëjnë me ta sipas moshës dhe nivelit të tyre të pjekurisë.

Kodi i sjelljes

Projekti: “Qendra e Shërbimeve Mbështetëse për Fëmijën dhe Familjen me bazë komunitare” (Parandalimi i institucionalizimit dhe deinstitutionalizimi i fëmijëve nga Institucionet e Përkujdesit Shoqëror)



BASHKIA KORÇË

- **Do të ruaj një kulturë komunikimi** dhe krijoj besim te fëmijët dhe familjet e tyre, komunitetet, stafi dhe vullnetarët e tjerë dhe përfaqësuesit e organizatave partnere në mënyrë që të mund të ndahen dhe diskutohen shqetësimet.
- Do të përdor metoda që përfshijnë sjellje **jo të dhunshme dhe pozitive** gjatë mbikëqyrjes së fëmijëve.
- Do të nxis fëmijët dhe komunitetet të **flasin hapur rreth ndërveprimeve të tyre** me të rriturit dhe njëri-tjetrin.
- **Do t'i informoj** fëmijët dhe komunitetet për të drejtat e tyre për të raportuar çdo situatë shqetësuese dhe se si ata mund të ngrenë një shqetësim.
- **Do t'i fuqizoj fëmijët** në mënyrë që ata të jenë në gjendje të mbrojnë veten më mirë.
- Do të sigurohem se një tjetër i rritur është i pranishëm apo të **përpiqem të qëndroj në një vend të dukshëm** kur jam në kontakt me një fëmijë.
- Përpiqem të **ruajë pavarësinë e fëmijës** dhe siguroj që të mos kryej veprime të cilat një fëmijë mund t'i kryejë vetë.
- **Planifikoj aktivitete** dhe organizoj vendin e punës në mënyrë të tillë që zvogëlon rrezikun e dëmit duke pasur parasysh moshën dhe zhvillimin e fëmijës.
- Do të sigurohem që informacionet lidhur me fëmijët, familjet dhe komunitetet **të mbeten konfidenciale**.
- **Do të marr leje** nga fëmijët dhe prindërit e tyre para fotografimit, incizimit apo përdorimit të imazhit të fëmijës, për atë që ata kanë thënë apo historinë e tyre. Kjo përfshin edhe shpjegimin e mënyrës sesi do të shfrytëzohen fotografitë. Ky shpjegim do t'iu jepet fëmijëve dhe prindërve të tyre.
- Do të ngre çdo **shqetësim dhe dyshim** në lidhje me Politikën për Mbrojtjen e Fëmijëve tek përgjegjësi i SHMFF apo personi i kontaktit për mbrojtjen e fëmijëve.
- Do të raportoj menjëherë çdo dyshim apo akuzë te Personi i kontaktit për mbrojtjen e fëmijëve për sjellje në kundërshtim me parimet e politikës për mbrojtjen e fëmijëve dhe Kodit të Sjelljes, duke përfshirë çdo formë të abuzimit me fëmijët, edhe nëse informacionet apo akuzat janë të paqarta.

Në asnjë rast nuk do të:

- **Përfshihem në asnjë formë të marrëdhënieve seksuale** me dikë nën moshën 18-vjeçare, pavarësisht moshës ligjore kur lejohet përfshirja në veprimtari seksuale, sipas ligjit dhe zakoneve vendore. *Keqkuptimi për moshën e fëmijës nuk mund të përdoret si mbrojtje.*
- **Prek fëmijët, përdor gjuhën apo bëj sugjerime** në mënyrë të papërshtatshme, të provokoj, ngacmoj apo poshtëroj fëmijën apo të shfaq mungesë respekti ndaj praktikave kulturore.

Kodi i sjelljes

Projekti: “Qendra e Shërbimeve Mbështetëse për Fëmijën dhe Familjen me bazë komunitare” (Parandalimi i institucionalizimit dhe deinstitutionalizimi i fëmijëve nga Institucionet e Përkujdesit Shoqëror)



BASHKIA KORÇË

Kjo përfshin të vepruarit në një mënyrë që mund të ketë ndikim negativ në vetëbesimin e fëmijës dhe ndjenjat e vetëvlerësimit.

- **Shfrytëzoj fëmijën** për punë (për shembull nëpërmjet punëve shtëpiake).
- **Diskriminoj**, trajtoj fëmijët në mënyrë të pabarabartë apo të padrejtë, për shembull duke favorizuar dhe përjashtuar të tjerët.
- Ftoj një fëmijë apo të afërmit e tyre në **shtëpinë time** apo krijoj një marrëdhënie me fëmijët dhe/ose familjet e tyre, e cila mund të konsiderohet të jetë jashtë kufijve normal profesionalë.
- Jem nën ndikimin e **drogave apo alkoolit** ndërkohë që punoj me fëmijë.
- Shikoj, publikoj, prodhoj apo shpërndaj **pornografi** me fëmijë, dhe/apo t'iu shfaq fëmijëve materiale pornografike.
- **Tregoj fytyrat** e fëmijëve të cilët shfrytëzohen seksualisht, viktimat e trafikimit, abuzimit, në konflikt me ligjin, të lidhura me grupet e armatosura apo të cilët lehtësisht mund të gjenden madje edhe nëse identitetet e tyre janë ndryshuar.
- Fotoqafoj apo publikoj fotografi të fëmijëve plotësisht **të zhveshur apo të veshur në një mënyrë që nuk i përshtatet** situatës në të cilën ata gjenden.
- Paraqes fëmijët si **viktima** (të dobët, të pafuqishëm, pa ndihmë, të dëshpëruar, etj.).
- Publikoj një histori apo imazh i cili mund **të rrezikojë** fëmijën, familjen e tyre apo komunitetin).
- Përdor fotografi të cilat **nuk janë kontrolluar apo miratuar** nga përgjegjësi i shërbimit apo postoj fotografi jozyrtare apo informacione rreth fëmijëve në faqet tona personale të internetit apo rrjetet sociale.
- Mbaj kontakt me fëmijët dhe familjet e tyre nëpërmjet **rrjeteve sociale**, vetëm nëse një shërbimi specifik i SHMFF kërkon që ta bëj këtë gjë dhe më është dhënë leja e shprehur.
- Nuk i kushtoj rëndësinë e duhur apo shpërfill në raportimin e ndonjë shqetësimi, dhune të dyshuar apo shkelje të politikës për mbrojtjen e fëmijëve dhe Kodit të Sjelljes tek përgjegjësi i SHMFF.

Unë e kuptoj që, në rast të dyshimeve apo akuzave për shkelje nga ana ime të Kodit të Sjelljes:

SHMFF do të ndër marrë çfarëdo veprimi që ata e konsiderojnë të nevojshëm, që mund të përfshijë, por jo të kufizohet me:

- Ofrimi i **ndihmës për viktimën** dhe ndërmarrja e hapave të menjëhershëm për të mbrojtur dhe përkrahur fëmijën.
- Përpjekjet për të **vërtetuar faktet** në mënyrën më të mundshme objektive (mbizotëron supozimi i pafajësisë) ndërsa mbrohen reputacioni dhe konfidencialiteti i të rriturve të përfshirë.

Kodi i sjelljes

Projekti: “Qendra e Shërbimeve Mbështetëse për Fëmijën dhe Familjen me bazë komunitare” (Parandalimi i institucionalizimit dhe deinstitutionalizimi i fëmijëve nga Institucionet e Përkujdesit Shoqëror)



BASHKIA KORÇË

- Ndërmarrja e **veprimeve disiplinore**, të cilat mund të rezultojnë me pezullim apo ndërprerjen e kontratës.
- Nisja e **procedurave gjyqësore dhe/ose raportimi** i autoriteteve kompetente çdo shkelje të Kodit të Sjelljes e cila mund të shkelë legjislacionin kombëtar.
- Marrja e **masave të duhura** me qëllim sigurimin që incidente të tilla të mos përsëriten, për shembull, duke informuar institucionet e tjera, të cilat mund të kërkojnë referenca profesionale lidhur me ndërprerjen e kontratës për shkak të shkeljes së parimeve të mbrojtjes së fëmijëve (në kuadër të kornizës legjislative të aplikueshme për mbrojtjen e informacionit).

Deklaratë e zotimit

Unë, i nënshkruari,.....

Deklaroj se e kam marrë, lexuar dhe kuptuar politikën për mbrojtjen e fëmijëve të SHMFF dhe angazhohem për ta njohur dhe bie dakord të punoj në përputhje me të.

Unë e kuptoj se çdo rast i mosrespektimit të Kodit të Sjelljes mund të çojë në ndërprerjen e angazhimit tim në SHMFF, si dhe procedura tjera disiplinore apo gjyqësore siç është përmendur më lart.

Veç kësaj, unë deklaroj se nuk kam dosje penale lidhur me shkelje ndaj fëmijëve (të cilën nuk e kam deklaruar më parë) dhe as nuk jam në dijeni të ndonjë arsyeje për të cilën dikush mund të më konsiderojë si të papërshtatshëm për të punuar me fëmijë. SHMFF rezervon të drejtën për të njoftuar institucionet e tjera të cilat mund të kërkojnë referenca profesionale lidhur me ndërprerjen e kontratës për shkelje serioze të parimeve të mbrojtjes së fëmijëve në kuadër të kornizës legjislative të aplikueshme për mbrojtjen e informacionit.

Data.....në.....

Nënshkrimi.....

Kodi i sjelljes

Projekti: “Qendra e Shërbimeve Mbështetëse për Fëmijën dhe Familjen me bazë komunitare” (Parandalimi i institucionalizimit dhe deinstitutionalizimi i fëmijëve nga Institucionet e Përkujdesit Shoqëror)